

Dissertatio physiologico medica inauguralis de alimentorum in ore ac ventriculo chulopoiesei ... / Eruditorum examini submittit Josias Verhel.

Contributors

Verhel, Josias.
Rücker, Johann Conrad.

Publication/Creation

Lugduni Batavorum : Apud Cornelium Haak, 1741.

Persistent URL

<https://wellcomecollection.org/works/uunzknax>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSERTATIO PHYSIOLOGICO MEDICA
INAUGURALIS
DE
ALIMENTORUM IN ORE
AC VENTRICULO
ΧΥΛΟΠΟΙΗΣΕΙ.

QUAM,

SUMMO FAVENTE NUMINE,

Ex Auctoritate Magnifici Rectoris,

D. JOAN. CONRADI RUCKER,

J. U. D. ET JURIS CIVILIS IN ACAD. LUGD.

BAT. PROFESSORIS ORDINARIJ;

NEC NON

Amplissimi SENATUS ACADEMICI Consensu,

& Nobilissimae FACULTATIS MEDICAE Decreto,

PRO GRADU DOCTORATUS,

Summisque in MEDICINA Honoribus &

Privilegiis ritè ac legitimè consequendis,

Eruditorum Examine submittit

JOSIAS VERHEL, Lugduno-Batavus.

Ad diem 20. Aprilis 1741. horâ locoque solitis.



LUGDUNI BATAVORUM,
Apud CORNELIUM HAAK, 1741.

INSTITUTIO PHYSIOLOGICA
IN ACADEMIA

ALIMENTORUM IN ORA AC VENTRICULO XYAOPHIZEL

SUMMO PAVENTE HOMINE

D. JOAN. CONRAD. RUCKER

J. D. D. ET JURIS CIVILIS IN ACADEMIA
BAT. PROFESSORIS ORDINARIUS

PRO GRADU DOCTORATUS
SOMMUS IN ACADEMIA
PRIVILEGIUM HABET

JOSEPHUS VERHEIJ
in ACADEMIA



LEONARDUS BATAVORUM
CORNELIIUS HAAK

VIRO INTEGRRIMO

D. CORNELIO VERHEL,

PATRI SUO OPTIMO, INDULGENTISSIMO,
OMNI FILIALI AMORE ET OBSEQUIO AD
ULTIMA USQUE FATA COLENDO, VENE-
RANDO.

UT ET PER TOTUM LITTERARUM ORBEM
CELEBERRIMIS, AC CONSUMMATA ERU-
DITIONE CONSPICUIS, NOBILISSIMÆ FA-
CULTATIS MEDICÆ IN ALMA, QUÆ LUG-
DUNI IN BATAVIS FLORET, ACADEMIA
CONSTITUENDÆ QUATUOR-VIRIS.

**D. HERMANNO OOSTERDYCK
SCHACHT,**

A. L. M. THEORIAS ET PRAXEOS MEDICÆ
PROFESSORI EXCELLENTISSIMO, ILLUST.
AC PRÆPOSI. ORDINUM HOLL. ATQUE
WESTFRIS COLLEGII THEOLOGICI MEDI-
CO PERITISSIMO, CORPORIS PHARMAC.
PRÆSIDI DIGNISSIMO, PROMOTORI SUO
HONORATISSIMO.

**D. BERNARDO SIEGFRIED
ALBINO,**

MED. DOCT. ANATOMES ET CHIRURGIÆ
PROFESSORI DEXTERRIMO, SAGACISSIMO,
COLLEGII CHIRURGICI PRÆSIDI PRÆ-
STANTISSIMO.

D.

D. ADRIANO VAN ROYEN,
MED. DOCT. EJUSQUE AC BOTANICES PRO-
FESSORI, SOCIET. REG. LOND. SOCIO ME-
RITISSIMO.

D. HIERONYMO DAVIDI
GAUBIO,

MED. DOCT. CHEMIÆ ET MEDICINÆ PRO-
FESSORI EXERCITATISSIMO, PERSPICA-
CISSIMO.

DENIQUE

D. GUILIELMO JACOBO
s' GRAVESANDE,

A. L. M. JURIS UTRIVSQUE ET PHILOSO-
PHIÆ DOCTORI, REG. SOCIET. LOND. MEM-
BRO, ASTRONOMIÆ ET MATHESEOS PRO-
FESSORI ACUTISSIMO, SUBTILISSIMO.

PRÆCEPTORIBUS INTEGERRIMIS, STU-
DIORUM SUORUM CUM IN MEDICINA
TUM IN PHILOSOPHIA FUNDATORIBUS
FIDELISSIMIS, SUISQUE EO NOMINE
ἐνεργέταις, OPTIMA QUÆQUE DE SE
MERITIS

*Hancce Inauguralem Dissertatio-
nem, sequē ὅλον ἢ πάντα vene-
rabundus devovet*

JOSIAS VERHEL

AUCTOR.

Χαίρειν ἢ εὐδαίμονα πράττειν.



in *inem opus coronare tritum sermone est Proverbium: ast, si unquam, suam sane hocce effatum veritatem experitur in illis, qui non studiis, sed Academiae, vale dicentes, doctorali donantur Laureâ, quâ bene meritos Palladis alumnos, ad cursus Academici finem, condecorant Venerandi hujusce Palladii Antistites.*

Fustissimae tamen, quibus amplissimum hocce fundatum est Lycaeam, leges prius exigunt, ut aliquod, si non πολυμαθείας, saltem non inutiliter, ac otio plane transacti temporis, edant specimen, cujus tamen materiam pro lubitu eligendam concedunt. Haec mecum reputans, Laureamque illam, summis honoribus consequendam, adspirans, dubius diu haesi, quamnam ex binis vastissimis, qua late patent, Theorias scilicet, vel Praxeos campis, nec non ab optimis Auctoribus felici hoc nostro in Medicinâ seculo jam sa-

tis superque emensis, eligerem materiam, quum
 ubivis pulcherrima quaeque tantâ sese offerebant
 copia, ut ipsis in opibus fere inops, mediisque
 quasi in aquis, aequae ac de Tantalo fabulosa
 tradit antiquitas, sitire viderer. Tandem quum
 viscerum abdominalium seorsim cum fabricam
 tum usum considerarem, de omnibus simul age-
 re, usumque, quem in οἰκονομία animali prae-
 stant, indicare, adeoque illam eorum simul con-
 sideratam actionem explicare prius proposueram,
 quae a Medicis χυλοποιήσεως nomine insignitur,
 maxime quum viderem, quam utilissima, i-
 mo necessaria esset tantum non omnibus Ma-
 chaoniae Artis cultoribus ejus cognitio, uti no-
 runt, qui Medicinam vel a limine modo, ut
 vocant, salutarunt: quum ex vitatis his primae
 coctionis officinis ingens, ne dicam maxima,
 morborum, tam Acutorum, quam Chronicorum
 caterva oriri queat, quorum ergo curatio, quia
 Rectum tantum est norma sui & obliqui,
 necessario fugere (a) debet, quos fugit re-
 cta horum organorum eorumque usus cognitio.
 Longior vero, quam non exigebant Leges Aca-
 demicae, & materiae tamen postulabat digni-
 tas,

(a) Boerh. de Cognosc. & Cur. morbis §. 3.

tas, dissertatio tandem me determinavit aliquam modo ejus partem exhibere, illam scilicet, quae in ore ac ventriculo fit. Rei interim gravitatem lubens agnosco, & hinc quibusdam forte minus caute attendisse videbor ad notissimum illud, quod non scite minus, quam eleganter Pisonibus canebat Lyricorum Princeps Horatius. (b)


**Sumite materiam vestris, qui scribitis, æquam
Viribus; & versate diu, quid ferre recusent,
Quid valeant humeri.**

Verum B. L. valebit & hic toties totiesque hodie in dissertationibus recoctum, nihil novi proferam. Licet enim, ad instar (c) Pythagoricorum, in magistorum verba neutiquam jurem, omnia tamen gratus accepta refero Praeceptoribus Celeberrimis, Viris omni laudum encomio majoribus, quibus ideo hocce, quicquid est speciminis, sacrum facere deesse non potui: tum & Magno, tam Medicae, quam totius Littera-

(b) In Arte Poët. v. 38. 39. 40.

(c) Ælian. Var. Hist. Lib. 17. Cap. 17.

*variae orbis, dum viveret, amori, HERM. BOER-
HAAVIO, cujus adhuc manes summâ ac sub-
missâ veneratione sera Medicum venerabitur po-
steritas. Sin autem, quod nullus dubito, dum ho-
minem esse & errare inter se individua sint, a-
liquid, vel minus recte, vel Augusteo seculo
minus convenienti stylo fuerit scriptum, id, vi-
rium habitâ ratione, solitâ vestrâ benevolentia
ut aequi bonique consulatis, supplex oro, peto,
flagito.*



DISSERTATIO PHYSIOLOGICO · MEDICA

INAUGURALIS

DE

ALIMENTORUM IN ORE

AC VENTRICULO

ΧΥΛΟΠΟΙΗΣΕΙ.

§. I.



iram ac mechanicam μηχανισμόν
 structuram, ejusque actiones al-
 tiori mentis trutinâ indaganti, vi-
 tæque in illam effectus propius
 paulo examinanti, haud difficul-
 ter innotescet, ipsam illam ma-
 chinam, quo in suis actionibus sit
 vegetior & auctior, eo magis ad sui ipsius destru-
 ctio-

A

- ctionem tendere: Quum enim illæ ejus actiones tantum poni possint, positâ Vita, quæ consistit in humorum Circulatione, id est actione fluidorum in vasa, horumque reciproco in fluida renixu, sequitur, quod, quo Vita, id est Circulatio sit major & auctior, eo major quoque sit solidorum ac fluidorum ad se invicem attritus, & hinc corpus solidorum derafione, fluidorum dissipatione brevi foret extenuatum, exhaustum & destructum; διάπνευσις enim, fudor, urina, alvi feces, mucus, semen, αἰμορροΐδες, menstrua, foetus, secundinæ, λοχεΐα, lãc solida ac fluida de utriusque Sexus corpore continenter auferunt. Quum vero adorandi in creatione Numinis simul & conservandi fuerit scopus, providum quoque ubivis sese naturæ sistit Auctor, uberrimam talem, ac late patentem suppeditando materiam, quæ per eandem vitæ vim, quam eleganti Φύσις nomine summus expressit *Hippocrates*, elaborata amissum & deperditum æque in solidis ac fluidis restituere, vel & augere posset. Ut itaque homo vitam sanitatemque sui corporis conservet, omni fere tempore Alimentis indiget, ut elaboratus inde Chylus blandissimâ suâ oleositate humores, per frequentem circulationem acres factos, ac de putredine alcalinâ jamjam futuros participes, minimaque vasa, si ulterius pergeret, destructuros temperet, involvat, blandos iterum reddat, illisque sic, ut cum Veteribus loquar, vim plasticam reconciliet. Haec autem in corpore non existunt, sed aliunde ingesta per corporis varia organa varias debent subire mutationes,

nes, antequam aptum corpori nutrimentum constituent.

§. II.

Verum, ut homo de illâ sui destructione & per consequens de Alimentorum ingerendorum necessitudine fieret certior, præter *Amorem*, quo non minori curâ propagandæ successioni & conservatio- ni generis humani juxta illud, *crescite & multipli- cate*, divina providit solertia, binos alios, æque sane miros ac singulares ei sensus appetitivos in- didit idem naturæ Artifex, *Famem* scilicet & *Sitim*, levissimâ primum ac inexplicabilis quâdam titillatio- nis sensatione mentem afficientes, & quibus, ut binis haud fallacibus in sanitate excubiis, admone- tur, hâc ad potum, illâ vero ad cibum capiendum opportunum tempus advenisse; nisi autem explean- tur, non quidem dolorificos, neque dolore tamen mitiores, sed adeo demum molestos ac intolerabi- les, ut dilectissimam in prolem misericordes ac παιδοφιλάσας cæterum matres præ fame sæviisse, nec non potentissimos Reges pro simplicissimo fal- lendæ sitis causa aquæ haustulo & Regna & liber- tatem vendidisse cum (a) sacræ, tum (b) profanæ testentur Historiæ.

§. III.

Nato itaque hocce Alimentorum desiderio, ea

A 2

per

(a) 2 Reg. 6. v. 28. 29. Thren. Jerem. 4. v. 10.

(b) Plutarchus de Lyfimacho.

per os ingerit homo, quod primum est receptaculum, & in quo primam subeunt mutationem, ex hoc dein per fauces & oesophagum via in Ventrículum patet, in quo, ut dein visuri fumus, varie iterum mutantur, macerantur, miscentur, subiguntur, separantur. Atque hæc est consueta & naturalissima Naturæ via; licet enim, uti interior, ita & exterior corporis nostri superficies undique minimis innumerisque venulis inhalantibus, quæ similibus arteriis, subtilissimum rorem *Sanctorianum* perspirantibus, respondent, gaudeat, uti per microscopia ex acutissimi *Leeuwenhoekii* observatis constat, atque extus applicitorum ope excitata quoque docet ebrietas, πτυαλισμός, τραγγοῦρία, αἱματοῦρία, κάθαρσις, & ut bene etiam, ubi de balneis agit, observavit *Bellinus* (c), imo ipsi Medicinæ Parenti *Hippocrati* jam fuit notissimum, dum dicit (d) ὅλον τὸ Σῶμα ὡς ἐκπνοὸν καὶ εἰσπνοὸν εἶναι, per has tamen sufficienter nutriri nequit, utpote ad quod magis substantiale quid, ut ita dicam, requiri videatur. Juvasse tamen, quin imo summi successus fuisse hancce, reficiendi corporis gratiâ, agendi rationem, haud semel probavit experientia, in illis nimirum hominibus, ne alios casus memorem, qui fibrarum laborabant debilitate, in quibus primæ & reliquarum proinde coctionum organa adeo erant debilitata, ut ne quidem ex assimilato jam pro maxima parte in alio corpore liquido, Lacte scilicet ex sanæ mediæque ætatis nutricis uberibus hausto, sufficienter

(c) In Tract. de Urinis & Pulsibus.

(d) *Επιδημιῶν* Lib. 6. Sect. 6. n. 2.

ter satis restitui possent, nisi simul, per mutuum sub
iisdem stragulis decubitu, elaboratissimum illud
tertiæ juxta Veteres coctionis ex sano ejusdem nu-
trici corpore exhalans liquidum instar balnei sibi
applicarent. Hoc modo Principem atrophicum &
ab omnibus jam desertum Medicis pristinae sanitati
ac vigori se restituisse memorat *Hieron: Capivac-*
cus. Et sic hac μετεμψυχῶται potentius nullum,
atque debilitatam nimis, ad perfectam incontinuis
febribus moliendam Crisin, Naturam magis corro-
borans se novisse remedium, dignissimum, qui diur-
nâ nocturnâque versetur manu, testatur *Sydenha-*
mus, cum eleganter ita loquitur (e) „*Aliorum au-*
„*tem remediorum successu frustratus, alio consilium*
„*vertere sæpe coactus fui, cum Successu non vulgari;*
„*nempe adolescentulorum vivum vegetumque calorem*
„*ægris applicando. Nec est, quod quis multum mire-*
„*tur, hac methodo, licet inusitata, ægrum tantopere*
„*corroborari, Naturamque debilitatam juvari, ut*
„*semet a materia secernendæ, eliminandæque reliquiis*
„*exoneret; addens rationem. „ Cum proclive sit*
„*intelligere, insignem effluviolorum vegetorum copiam*
„*a sano & atletico corpore in corpus ægri exhaustum*
„*transfundi. Neque unquam comperi, iteratam ca-*
„*lentium linteorum applicationem ullatenus id præsta-*
„*re valuisse, quod modo præscripta Methodus præsti-*
„*tit; ubi calor applicatus tum magis est humano cor-*
„*porei congener, tum simul blandus, humidus, æqua-*
„*lis, perennisque. Imo, ut & hoc addam, quan-*
topere in senili frigore ac παράσμῳ corpus per sub-

A 3

ti-

(e) Sect. 1. Cap. 3. p. m. 67. & 68.

tilissimum tale balneum incalescat & reficiatur, vetustissimis inter Asiaticos Medicis jam innotuisse, testis est *Davidis* in Sacro Codice (f) historia.

§. IV.

Hicce in limine præmissis videamus, quid *Alimenta* sint. Definiuntur esse omnia illa, quæ, vel cruda, uti natura suppeditat, vel certâ prius arte, id est mundatione, coctione, assatione, maceratione, conditurâ, fermentatione, vel & levi ad putredinem dispositione, ut nobilitatis ille, ut vocant, in ferinâ carne oriatur sapor, aliisque insuper modis, quibus & palato maxime abblanditur, præparata & in os ingesta per vitæ vires variis modis ita assimilari queunt, ut, depositâ suâ natura, illam nostri corporis induant, sicque in eo deperditum restituere, vel & augere valeant; adeoque omnia illa, in quibus, ut Philosophi loqui amant, non *formaliter*, sed *materialiter* existat materies, quæ nostrum in corpus abire valet. *Alimenta* autem illa sunt vel fluida vel solida, adeoque *Potulenta* vel *Esculenta*. *Potulenta* nullam, vel saltem non notabilem in ore subeunt mutationem, nisi nocituras forte habeant qualitates, ut si nimis acria fuerint, tum enim prius salivâ, aliisque humoribus ad os confluentibus, diluuntur, temperantur, involvuntur, vel etiam, si nimis calida fuerint, reciprocâ aëris in ore vibratione ad temperatiorem prius reducuntur calorem (quod & de esculentis verum)

(f) I Reg. I. v. I. 2.

rum) cæterum statim deglutiuntur. *Esculenta* vero ilico in ore per manducationem, triturationem, salivæ, aliorumque humorum admistionem præparantur & subiguntur, dein demum ad ventriculum amandantur: hæc, parva si fuerint, integra ingerimus, sin majora, frustrum inde dentibus decerpimus.

§. V.

Hæc actio vocatur *Morsus*. Ad hunc requiritur *primo* maxillæ inferioris versus pectus abductio, ut mordendum intra dentes utriusque maxillæ interponi possit: *secundo*, ejus iterum versus superiorem adductio, eaque fortior fortiorque, ut sic mordendum, *pro* ut durius sit, abscindi possit. *Prior actio* sit duplici modo; *primo* enim *propriâ* gravitate versus pectus delabitur inferior maxilla, ut fit in dormituriens, vel & in non attendentibus, ut in Vulgo, Orvietanum suum deprædicantibus Agyrtis adstanti, haud raro cernere licet; vel etiam, ubi paralytici facti muscoli, ob dene-gatum in eorum fibras motrices spirituum influxum, adductam superiori inferiorem maxillam retinere nequeunt; *secundo* quoque abducitur per musculos ex structuræ consideratione *διγαστήρες* vel *Biventre*s dictos, eosque fere solos, non tamen tanto, ac eruditi quidam hic quæsiere Viri, mechanismo, ac si per trochleam dirigentem eorum fieret actio, firmato per suos musculos osse *Υοϊδε*, quod attollere proprie eorum esse existimarunt: quam
sim-

simplicissima enim & ex naturali tantum, nec situ mutatâ, partium structurâ eorum petenda sit actio, quotannis in accuratissimis demonstrationibus anatomicis masculis, pro suo more, ratiociniis nobis ostendit Cel. B. S. *Albinus*, ad cuius quoque elaboratissimam *Musculorum Historiam* (g) horum, ut & sequentium musculorum constructionem, ortum, progressum, insertionem, actionemque perfecte cognoscendi cupidos, ut brevis sim, amandatos velim; imprimis, si simul adhibeantur elegantissimæ ejus *Tabulæ magnæ Anatomicae*, stupendâ arte a summo in his Artifice *Joanne Wandelaar* ad ipsa corpora delineatæ. Ad hanc insuper actionem secundum alios concurrunt *Latissimi colli* (h) expansionem illam latam musculosam, *πλάτυσμα μυῶδες Galeno* dictam, efficientes; videntur tamen proprie cutis colli esse muscoli, eamque premere & extorsum tendere. *Posterior actio*, inferioris scilicet maxillæ iterum versus superiorem adductio, per quatuor musculorum paria exercetur, *Masseteres* (i) *Temporales* (k) *Pterygoideos internos* (l) qui & *Masseteres interni* quibusdam dicti sunt, *Pterygoideos externos* (m), qui tamen leviter tantum maxillam attollunt, donec inferioris maxillæ dentes fere illos superioris attingant; proprie enim, si ambo simul agunt, maxillam antrorsum protrahunt, vel

(g) Lib. III. cap. XLII.

(h) Albin. Hist. Musc. Lib. III. cap. xxxv.

(i) Idem Lib. III. cap. xx.

(k) Id. Lib. III. cap. XXI.

(l) Id. Lib. III. cap. LXIX.

(m) Id. Lib. III. cap. LXX.

vel antrorsum oblique in latus, si alteruter agat. Quantæ autem horum muscutorum conspiratâ operâ agentium in adducendâ maxillâ vires sint, fidem fere ex superat, ita ut dentur, qui durissimos non tantum nucleos confringere, sed scamna satis longa ad horizontem parallela sustinere, ingentia pondera, dolia vino plena, similiaque, quotidianâ haud raro id testante experienciâ, attollere valeant. Hoc exemplis qui confirmatum desiderat varios quæso adeat Auctores (n), egregium imprimis *Vesalium* (o), ubi de inferiorem maxillam moventibus musculis agit. Et hinc, si mordenda majorem requirant vim, quam per incisores, utpote a trahentibus potentiis remotissimos, queat exseri, motu automatico mechanice, licet nescius, procedit homo, dentibusque molaribus supponit, ubi omnium maximam potentiæ trahentes vim exserunt, tum enim tractio proxime fit ad perpendiculum, quæ, doctis Mechanicis, omnium minimâ vi eandem potentiam exserere valet.

§. VI.

Ubi sic quædam præmorsa est portio, cadit in os, quod adductis ad se labiis clauditur, ut in asfuetis nondum infantibus sæpe fit; tum Lingua, mobilissimum illud corpus & in omne volubile punctum, præmorsam portionem quasi jam præstolata, apice suo excipit, & per fabricam muscularem mola-

(n) Lindan. Physic. cap. 13. art. 1. Blasii Comm. ad Vesling. cap. 13 in fine.

(o) Lib. 2. cap. xv.

laribus dentibus supponit, ejusque fit *Manducatio*, id est vicissim diducitur & adducitur ad superiorem inferior maxilla, (immota enim, licet non sit immobilis, manet superior) non tantum rectâ sursum deorsumque per musculos *Masseteres*, *Temporales*, *Pterygoideos internos*, sed & oblique in latera & in orbis quasi speciem, ut in ruminantibus cernitur, pro ut scilicet hujus illiusve lateris *Pterygoideus externus* agat, vel antrorsum, si simul agat uterque. Unde hac ratione fortissima non tantum fit pressio, ac sub acutis primorum dentium cuneis concisio & divisio, verum egregia simul triturationis & quasi commolitionis inter latas, scrupulasque durissimorum dentium molarium superficies, ideoque ab hac commolendi actione apposite Molares dicuntur. Perfecte ergo hic procedit Natura, ac in suis Mechanici, qui docent, latâ tali ac præruptâ undique superficie duriora quævis melius posse comminui. Hinc quoque lati ac scabri tales lapides in molis triticeis adhibentur, quos, continuo attritu lævigatos, iterum excidunt Artifices.

§. VII.

Dum autem continuo illo Manducationis motu huc illuc in ore cibi devolvuntur, fieri haud potuit, quin aliqua eorum pars caderet in os, id est in cavum linguale, quædam vero in cavum anterius, quod a buccis cum gingivis & dentibus circumscribitur, hinc talibus opus erat adminiculis, quibus elapsæ, nec adhuc dum satis divisæ particulae

culæ molaribus iterum dentibus supponi possent. Huic scopo inserviant *Buccinatores* (p), tenuem illam musculosam pellem constituentes, quâ extrinsecus tota interior oris membrana ambitur, & in hac actione sese contrahentes dentibus molaribus & gingivis buccas applicant, sicque, quantum pote, præcavent, ne in oris cavum antè illabi aliquid possit. Idem a parte anteriore præstat *Orbicularis oris* (q) totus fere aliorum in facie musculorum propago. Pro aliis autem adhuc buccarum & labiorum, vel simul, vel diversis modis, concurrentibus musculis, buccæ labiaque diversimode quoque gingivis & dentibus applicantur. Quod vero in cavum linguale illapsum est, vel & in anteriori adhuc latitat, illud Lingua, toto hoc tempore non quiescens, variasque per suas quâquâvorsum directas fibras musculares inducens formas, undique colligit, dentibusque molaribus diligentius atterendum iterum supponit, & sic totum os, præsertim in fine, mundat. Hujus manducationis scopus est incidere, dividere & attenuare, ut melior dein & copiosior per additos humores nutritivæ materiæ fiat extractio, unde Chémici ad instar agit hic Natura, qui incidendo, contundendo, limando, in pulverem redigendo, corpora prius dividit, comminuit, ac eorum sic superficiem in infinitum quasi auget, ut a convenienti dein affuso menstruo & undiquâque sic applicato melior solvendæ materiei fiat extractio. Priorem actionem vidi-

B 2

mus,

(p) Albin. Hist. Musc. Lib. III. cap. XVI.

(q) Idem Lib. III. cap. XVII.

mus, menstrui ergo, quod natura in ore affundit, id est salivæ, liquoris oris tenuioris, mucii palatini, tonsillarum, linguæ consideratio sequitur.

§. VIII.

Sex præcipue *Salivæ* existunt fontes, ab utroque latere unus, qui ex allato per Carotidis externæ ramos arterioso sanguine, docente id impletionem, mirabili ac operoso artificio, id est per fabricam glandulosam, elaboratissimum illum fecernunt humorem & per patentia in os emissaria excernunt. Adjacent autem hi fontes ubique musculis, qui necessario in vario oris in manducatione motu agentes eos exprimunt, hinc copiosiorum tum temporis commolendis cibis affundendam salivam stillant. Sunt autem primo *Parotides* (r), ita dictæ, quia *παρὰ τὰ ὦτα*, id est juxta aures sitæ sunt. Sunt autem glandulæ conglomeratæ satis magnæ, relictam inter processum mastoideum, condyloïdem & os jugale foveam occupantes, lateque satis anteriora, posteriora & inferiora versus protensæ, secretam salivam minimis reddentes initiis, ac communi dein satisque insigni infundentes ductui, a primo ejus circa annum 1660 in brutis inventore *Nicolao Stenonis* (s) *Stenoniano* dicto. Hi ductus rectâ supra Masseteres incedentes, introrsumque dein vergentes per Buccinatores transeunt, perforatâque interiore oris membrana,

(r) Valsalv. de aure hum. Tab. 1. fig. 1. J. J.

(s) Observ. Anat. de gland. Oris §. 13. 14.

na, circa tertium superiorem dentem molarem, eminentis tuberculi vel papillulae specie, multis in hominibus, maxime in Mercurio delibutis, satis spectabilis, in os patent; adeoque ibi præcise loci, ubi maxima in manducatione vis adhibetur, salivæque ad manducanda affusione plurimum opus erat. Sunt hæ illæ glandulæ, in quibus variis in morbis Critici ejusdem nominis excitantur tumores, quorum passim apud *Hippocratem* (t) fit mentio & τὰ παρ' ὠτα, vel & τὰ παρ' ἑς ἐπάρματα vocat. His Parotidibus in itinere quandoque se adgit alia (u), quibusdam *Genalis* dicta, quæ tamen non videtur esse, nisi abludens & anteriora versus magis protensa priorum portio. Secundo *Submaxillares*, quæ sunt oblongæ crassæque satis glandulæ, intra inferiorem maxillam per totam fere ejus longitudinem exporrectæ, musculosque adjacentes habent Mylohyoideos, Digastricos, Pterygoideos internos; eas vero extus tegit πλάτυσμα μυῶδης, & communia integumenta. Ex singulis unus ut plurimum exit ductus, vel notante *Ruy-schio* aliquando plures, qui sub Linguâ juxta frenuli radicem in os patent & ab inventore *Thomâ Warthono* (v) *Warthoniani* audiunt. Sunt hi illi ductus, ex quibus vel in oscitantibus, vel in jejunis sanis elevatâ Linguâ, admotoque corpore sapido, sæpissime quasi ex fonticulis pleno saltu exsilit Saliva. Tertio *Sublinguales*, præcedentibus lon-

B 3 ge

(t) In Prorrhet. & Coac. prænot.

(u) Sanctörin. Obs. Anat. Tab. I. i.

(v) Adenograph. cap. 21.

ge minores, per linguæ longitudinem in oris fundo posita & vocantur *Riviniæ* vel *Bartolinianæ*, quia egregii illi Viri eodem fere tempore eas detexere, nondum tamen compositâ inter Anatomicos lite, cuiam primæ propriæ inventionis debeatur gloria. Patentes sub Lingua vel proprios ductus habent hæ glandulæ, vel, ludente sæpius in his, ut in aliis, Natura, *Warthonianis* ductibus sese inferentes, imo earum loco plures aliquando conglobatæ inveniuntur. Hæ glandulæ præter naturam sæpe tumentes illas loquelam insigniter impedientium tumorum species constituunt, qui a Medicis βατράχων (w) vel ὑπογλώσσι. (x) nominantur; dum excerni impedita ab obstructis illarum emissariis saliva & accumulata, tenuiore interim parte resorbta, concrefcit in materiam crassam, tophaceam, lapideam, uti bis videre nobis licuit. Ingentis talis tumoris exemplum prostat apud *Tulpium* (y). Dictis hisce aliam insuper glandulam accenset *Cel. Ant. Nuckius* (z), quam in canibus intra oculi orbitam latitantem invenit, inter oculi musculum abductorem & superiorem ossis jugalis partem, ex quâ emergens ductus perpendiculariter fere super os maxillare descendit, usque dum prope dentem molarem secundum superiorem, adeoque haud procul a *Stenoniani* ductus ostio, in os patet. Verum, quum nulla hu-

(w) Aëtius Tetrab. 2. Lib. 4. cap. 39.

(x) Hipp. Lib. 2. de Morb. pag. 471. Ed. Foef.

(y) Observ. Lib. 1. cap. 52.

(z) Sialograph. Tab. 111, fig. 1. 2. 3.

jus in homine existent vestigia & peculiarem forte in hoc animali usum habeat, ad Salivæ fontes quoque referri nequit.

§. IX.

Præter recensitas hactenus glandulas conglomeratas innumeræ aliæ minores conglobatæ, ovalis pleræque figuræ, per Labia (a) & Buccas (b) disperguntur, a qualicunque granorum *Milii* figurâ *Miliares* dictæ, quarum plures, eæque majores, ostium ductus Stenoniani circumstant & detractâ in cadaveribus oris interiore membranâ egregie sese conspiciundas præbent. Ex his autem minimi brevesque ductus excretorii exeuntes per oris tunicam deducuntur & compressi salivalem in os stillant humorem. Hæ sæpe in manducatione dentibus interceptæ intumescunt, & facile scirrhescent imo cancrescunt (c). Sic in puero talem instar pisi majoris scirrhosam factam glandulam in labio inferiori exstirpatam vidimus in maneductorio ad Praxin Collegio summe venerandi Viri Celeb. *Oosterdyckii*.

§. X.

Observatur præterea ad os deferri subtilissimus quidam directe, id est sine intermediâ structurâ glan-

(a) Heist. Comp. Anat. Tab. viii. fig. 36. c. d. d.

(b) Verheyen Anat. Tom. i. Tab. 27. fig. 2. F.

(c) Heist. Instit. Chir. cap. LXXvi. §. 2. Tab. xx. fig. xi.

glandulosâ, ex innumeris subtilissimis, in minimos villos desinentibus, arteriolis, similibusque venis respondentibus, exhalans humor, ut in omnibus corporis cavis, quo tota undique interior oris & linguæ superficies continuo irrigatur. Estque perspirans ille vapor, qui hyemali tempore per frigus condensatus roris specie exhalat. Hanc exhalationem felicissimâ, aliquando ceræ, vel penetrabilioris adhuc aquæ tepidæ, in Carotidis externæ ramos injectione imitati sunt peritissimi hac in arte Viri. Hæc perspirans materies in febribus acutis, maxime in ardentibus, ob $\phi\lambda\omicron\gamma\iota\varsigma\iota\chi\eta\iota$ humorum densitatem & subtilissimorum defectum, secerni excernique impedita, tenerrima illa vascula ficcari & emori facit, varique tum successive ad nigrum usque in Linguâ colores (d) fiunt, falso à Veteribus pro adscendente è pulmonibus & ventriculo fuliginè habiti.

§. XI.

Summi tandem usus in os excernitur blandissimus ille, minimeque excrementitius, sed naturæ è contra amicissimus, maximeque necessarius humor, *Mucus* dictus, secretus in cryptis vel folliculis glandulosis (e), sub membranâ oris positus in palato, tonsillis, uvulâ, per quas partes membrana *Schneideriana* (f) exporrigitur, ut & radice Linguæ, ubi glan-

(d) Boerh. de Cogn. & cur. morbis §. 739.

(e) Boerh. Epist. ad Ruysschium.

(f) Schneid. de Catarrhis Lib. 3. sc. 2. Cap. 3. fig. 2. 3. 4.

glandulosa *Celebris Morgagni* (g) expansio ponitur: adeoque miro Naturæ instituto in posteriore oris parte illæ clypei ac muniminis oleosi instar has partes oblinientis mucæ officinæ prostant; ibi enim ad facilem & lubricum, ne ullibi adhærescant, concedendum deglutiendis transitum maxime opus erat, nec gustus organo, in anteriori potius parte locando, impedimento esse poterat.

§. XII.

His omnibus denique extraneum admiscetur liquidum, *Aër* scilicet; hic enim undique nos ambit, in hoc manducamus, eumque manducatione cibis intimius subigimus. Hujus ea est necessitas, ut dicto mucæ inviscatus ac retentus, in ventriculo dein per calorem rarefactus, elatèrem suum exferere valeat. Idem ergo hic fit, quod Pistorum faciunt; hi enim non subsistunt in simplici farinæ cum aquâ in pastam subactione, sed manibus pedibusque massam tractant, aëremque sic depresso & calcando inducunt, quo demum fit, ut nunquam aliter fermentanda massa ad fermentationem disponatur; omni enim elastico aëre per machinam *Boyleanam* subducto, nulla sit fermentatio. (h)

§. XIII.

Ex illis itaque, quæ de maximâ ciborum per
man-

(g) *Advers. Anatom.* I. Tab. 1. litt. k. l.

(h) *Boerh. Elem. Chem.* Tom. 2, in hist. ferment. ad proc. 42.

§. 24. n. 7.

manducationem divisione & copiosâ elaboratissimorum humorum ad eos affusione huc usque deferuimus, dubio procul apparet, eos maxime emolliri, macerari & dissolvi, non ut in *Alcabeſt* vel menstruo quodam universali, quale quid in Saliva, irritò licet conatu, imparique successu, multi quæſivere, nisi illam universalem solvendi *ενεργείαν* ad alimentarem tantum, quæ tamen late patet, materiam restringamus; quod idem de liquore gastrico mox considerando intelligendum. Unde jam in ore aliqua inducitur assimilatio & quædam nutriendi similitudo, dum plus & plus de suâ naturâ deperdunt. Saliva enim, præterquam quod salia in sapidis solutione exploret, virtute suâ saponaceâ glutinosa & tenacia resolvit, oleosa & pingua aquæ miscibilia reddit, utpote quibus seorsim fluentibus nihil corpori est perniciosius & hinc summus dicit *Hippocrates* (i), quam plurima quidem diversarum facultatum in homine existere, sed addit, ταῦτα μὲν μεμυγμένα καὶ κεκρημένα ἀλλήλοισιν, ἕτε φανερά ἐστιν, ἕτε λυπέει τὸν ἄνθρωπον. ὅταν δὲ τι τῶν αὐτῶν ἀποκριθῇ, καὶ αὐτὸ ἐφ' ἑωυτῆς γένηται, τότε καὶ φανερόν ἐστι, καὶ λυπέει τὸν ἄνθρωπον. Unde in illis hominibus, in prandio hæc nimis depereuntibus, neque interim multum simul panis assumentibus, vel diu satis manducantibus, ut intime saliva admisceri queat, sæpissime aliquot post pastum horas (maxime si tum potus illi calidi aquosi, unde iterum fit divortium, superbibantur) fiunt nidorosæ rancidi illius, ac acerrimi, faucesque quasi exurentis olei eructationes; superna-

tans

(i) Lib. de prisca Medicina.

tans enim, nec bene mistum hoc pingue calore ventriculi per spontaneam διαφθοράν rancescit, (æque ac in blandissimo extra corpus in calore reposito oleo amygdalino fieri videmus) atque per motum ventriculi vermicularem undique fluctuans acri suo stimulo nervosissimum ejus os superius stimulat, ac molestissimum ibi ardoris excitat sensum, quem τὸ στομάχου καύσων & Sodam vocant: quæ ejecta materies ob amaritiem falso bilis nomine accusatur, ut excitata per expuitionem in ignem flamma docet, quod a bile (k) nunquam fit. Præterea fermentabilia disponit ad fermentationem; si enim syrupus quidam, vel potius Mel corpus fermentabilissimum, salivâ subigitur, intra brevissimum temporis spatium, idoneo scilicet accedente calore, orietur fermentatio cum omnibus suis φαινόμεναις & effectibus: idemque in farinosis cum salivâ subactis obtinet, in quibus citius longe fermentatio orietur, quam si aqua admista fuisset, ut capta experimenta docuere (l). Nec ea in saliva vis Barbaras gentes (m) latet; hoc enim modo vina sua potiusque inebriantes Indi parant, dum grana illa, *Mayz* dicta, edentulis vetulis manducanda præbent, eo potissimum scopo, ut diuturniore illa manducatione, & veluti maceratione melior salivæ fiat permistio & subactio, quam pulvem tum vasis collectam ad fermentationem deducunt. Eodem ferme modo cum siccata radice *Mandiboccâ*

C 2 pro-

(k) Boerh. Instit. Med. §. 99.

(l) Verheyen. Lib. 2. Tract. 1. cap. xxv. pag. 113.

(m) Nieuhof Itin. Asiæ p. 49. 50.

procedunt *Brazilienses*. Diuturnâ quoque illâ manducatione, copiosâque salivæ affusione omnibus fere, paucissimis tantum exceptis, nativus perit odor & sapor, dum scilicet quinta illa Essentia, id est mirus ille Spiritus, Chemicis *Rector* dictus, individua quæque distinguens & quem suo idiotismo *Ens appropriatum* vocat *Paracelsus*, salinaque principia solvuntur, diluuntur & ut artis utar vocabulo, edulcorantur. Loquor de saliva sanâ, neque per ullam morbosam in humoribus *διάθεσιν* a naturalibus qualitatibus deflectente, ut in Scorbuto, Φθίσει, Hecticâ, Ictero, aliisque morbis, in quibus vel falsa, vel putrida, qualis etiam habetur in *πτυαλισμῶ* mercuriali, ubi loco salivæ fætidum & ab omni alio diversum vi Mercurii exprimitur liquamen, vel ammoniacalis, ut sæpe in morborum acutorum fine observatur & pro optimo signo, testante *Hippocrate*, habendum, vel, ut aliquando invenitur, dulcis, vel amara, vel acida, ut haud raro fit in Melancholia hypochondriacâ, existens saliva talem quoque gustus organo imprimit sensum, ac si assumpta illo sapore gauderent. Nec obscura erit coloris mutati ratio; oleosa enim principia maximâ illa per trituram divisione, salivæque affusione, colorem illum albidum vel subgryseum constituunt. Adeo ut perfecte hic procedat Natura, ac arte suâ per contusionem & successivam aquæ affusionem in parandis ex oleoso quodam semine emulsis Pharmacopæus vel Chemicus (n). Unde patet, in ore jam incipere *χυλοποιή-*

(n) Boerh. Elem. Chem. Tom. 2. præc. 27.

ποιήσιν, quatenus illa sit albidus illius oleosi ac nutritivi succi extractio & hæc ratio fuisse videtur, quare ad credendum suo jam tempore inductus fuerit *Paracelsus* (o), hominem omne suum in ore nutrimentum posse conficere, neque deglutitione opus esse, ut ciborum ulterior in ventriculo, intestinis &c fiat elaboratio; licet hypothetica magis, quam experientiâ fundata hæc sit sententia, præterquam enim (ut hoc ἐν παρόδῳ addam) quod nihil frustra Natura faciat, per absolutam quoque dictarum partium vulnerum (p), chyli per eas ad Cor motum tollentium, lethalitatem contrarium edocemur. Adeo ut sufficiens sustinendo corpori non fiat nutritio, quam quidem aliqua refectio, dum subtilissimæ magisque, ut ita dicam, activæ particulæ nutritivæ, per minima vasa resorbentia majoribus successive venis traditæ ad Cor deducuntur & inde per totum corpus disperguntur, ita ut subito deperditæ vires quodammodo sic instaurari queant, dum simul, ut optimo cum *Brunnero* (q) loquar „ *nervorum extremitates in transitu ac πῶ* „ *obviæ blande afficiantur, spiritusque horum incolæ* „ *voluptate quâdam perfundantur.*

§. XIV.

Post tot igitur prius, quas vidimus, præpara-

C 3

tio-

(o) *Paramir. L. III. Tract. IV. & in Tract. de Orig. morb. ex Tart.*

(p) *Boerh. de cogn. & cur. morbis §. 170. 5. Heist. Inst. Chir. Part. I. L. I. C. I. §. xx.*

(q) *Diatrube de Lymph. & Ufu Pancr. cap. 5.*

tiones & mutationes ex omni oris cavo collecta illa puls, linguæque dorso imposita, per ejus successivam ad palatum appressionem, detruditur versus faucium isthmum, quo ubi pervenit, expresso undique muco circumfusa, per subitam & convulsivam fere præ celeritate dicendam multorum mire conspirantium organorum actionem, in dilatatum depellitur *φάρυγγα*, id est initium *οισοφάγου*, qui *Ciceroni* & *Celso* *τόμαχος* audit, per quem primo pondere, sed præcipue per successivam fibrarum ejus orbicularium & longitudinalium contractionem, quod nundinarum tempore in *παντεμίμοις* capiti insistentibus ac sic bibentibus admiratur vulgus, ulterius ad ventriculum deducitur. Vocatur hæc actio *Deglutitio*, cujus quoque nunc sequeretur historia, nisi vererer, ne operosiore & longiore, quâ indiget, explicatione & ad nostrum nunc, ut videtur, scopum haud ita pertinente, brevitatis excedendo limites molestus forem; hinc B. L. ad succinctam, sed eo nomine nervosam, ejus descriptionem ablegabo, quam dedit sæpius jam laudatus Cel. B. S. *Albinus* in *Historia Musculorum* (r), vel ad egregiam nuper habitam *de Deglutione Dissertationem* a Celeberrimi Viri Fratris *F. B. Albino*. Dicimus tantum per totum illum tractum innumeros distribui acinos mucosos, qui per oesophagi contra transeuntem bolum contractionem pressi blandissimum, ejusdem ac in faucibus proſapiæ, excernunt mucum, quo fit, ut facillimus & nullibi impeditus

(r) Lib. III. Cap. LVIII.

per lubricissimam illam viam ciborum in ventriculum sit descensus, ad quem ulterius facilitandum secretum quoque humorem in oesophagum excernere videntur binæ glandulæ, circa quintam Thoracis vertebram in multis ei appositæ, hinc *Oesophageæ* dictæ & a *Vesalio* (s) descriptæ, qui egregie quoque de illarum usu ratiocinatur. Tanto quidem magis Medico Practico notandæ veniunt hæ glandulæ, dum præter naturam tumentes & scirrhosæ, vel, contractæ per suas causas malignitate, cancrøs factæ non tantum mira & a priori sæpe haud ita facile explicanda producant *συμπτάματα*, sed, denegato omni alimentorum per oesophagum, aërisve simul per tracheam, transitu, inevitabilis mortis haud raro causa existant (t). Sic tumentes ac scirrhosas has glandulas per *Σελφι* adeo compressisse oesophagum vidit *Verheyenus* (u), ut laterum inter se perfecta *σύνφυσις* nata fuerit. Quin imo in ipsis aliquando acinis mucosis similia fere producens *φαινόμενα* scirrhus oritur. Sic dicentem audivisse memini Celeberrimum & multis nominibus colendum Præceptorem *H. D. Gaubium*, vidisse se feminam, in quâ talis acinus scirrhosus factus adeo demum intumuerat, ut alimenta vix ac ne vix quidem transire possent, sed ad aliquod velut obstaculum allidentia denuo in os regurgitarent, unde tandem conclusum illud hetero-

(s) Lib. v. de Corp. Hum. fabric. cap. 3. p. 416. fig. xiv. & xv.
F. F.

(t) Bonet. Sepulcr. Anat. Lib. III. Sect. IV. obs. xvi. & in addit. Obs. 2.

(u) Anat. Corp. Hum. Lib. 1. Tract. 3. cap. xiv.

rogeneum ibi forte hærens corpus ope immissi cum affixo subere styli detrudere, quod successit, illudque corpus durum vomitu dein rejecit, unde pro tempore fuit sanata; redeunte enim postea malo ad plures abiit. Huic similem fere casum narrat *Willisius* (v) de homine cæterum sano ac vegeto, qui tali quoque instrumento alimenta per oesophagum in ventriculum detrudebat, vitamque per sedecim & ultra annos sic sustinuit.

§. XV.

Ubi sic per carneam lateris sinistri Diaphragmatis partem transiit oesophagus, expansione dilatur in Ventriculum, qui, ubi vacuus est, sursum directa habet bina orificia, fundo deorsum spectante; unde aptissimus ejus tunc temporis, ad accipiendam per laxatum os superius ingesta, est situs, ineptior è contra ad aliquid per *πύλωρον* emittendum. Ubi vero impletur, anteriora & superiora versus assurgit fundus, ut in cadaveribus inflatus aër pulchre docet, hinc, ut excepta ibi aliquamdiu morarentur, clauditur, facto scilicet cum oesophago angulo, eo quidem magis ad rectum vergente, quò plus impletur, quam deinde clausuram adjuvant decussantes sese, qua transmittitur oesophagus (w), & in inspiratione sese contrahentes Diaphragmatis fibræ. Non late jam divagabimur hic in disquirendo varias tam Mechanicorum, quam

Che-

(v) *Pharmac. Ration.*

(w) *Verheyen. Anat. Corp. Hum. Lib. 1. cap. 18. fig. 5.*

Chemicorum & præsertim Veterum, non ὁμοθυ-
 μωδῶν conspirantes, quod quidem fuisset optimum,
 sed seorsim tantum & in abstracto varias ventricu-
 li actiones certo errore considerantium, quoad ali-
 mentorum coctionem sententias: num scilicet per
 solum fiat attritum, motumque mechanicum, ut
Erasistratus alique putarunt: an vero, ut summo
 visum *Hippocrati*, solum per calorem: vel, juxta
Plistonium Praxagoræ discipulum, per solam διαφθε-
 ράν, id est putrefactionem: vel & ζύμωσιν, id est
 fermentationem, ex quorundam inter recentio-
 res Chemicorum opinione: vel an, hisce ut super-
 vacaneis rejectis, omnino fiat nulla, ut voluit *As-
 clepiades* (x), crudamque sic materiam, uti assum-
 ta est, in corpus omne diduci existimans: num
 denique fiat per aquæ cujusdam stygiæ affusionem:
 vel &, ut *Vercellono* placuit, per verminationem,
 id est per secreta ex glandulâ Thyroideâ, ac per
 oesophagum in Ventriculum delata, ibique exclu-
 sa ova verminosa; quid enim horum omnium sit, ex
 ipsa rei veritate brevi elucescet, censemus enim cum
 Principe Artis nostræ Dictatore (y) τῆς αὐτῆς δια-
 νοίας εἶναι γινῶναι τὰ ὁρθῶς εἰρημμένα. Ut tamen intrica-
 to hocce variarum opinionum labyrintho nos ex-
 tricemus, actionemque Ventriculi felicius capia-
 mus, fili Ariadnei instar sequens nobis inserviet
 ordo, quo Ventriculum considerabimus 1°. sim-
 pliciter, ut vas aliquod Chemicum ingesta pro
 tempore retinens. 2°. ut vas aërem, cæterosque
 D tam

(x) Vid. de his omnibus Cels. Lib. 1. in præf. p. m. 6.

(y) Lib. de Diætâ.

tam inquilinos, quam aliunde jugiter allatos, contentis admiscens humores. 3°. ejus, quatenus est musculus cavus, in contenta visuri actionem. 4°. ut vas calidum, tam ex propriâ substantiâ, quam ratione partium circumjacentium. 5°. denique expensuri, quid ipsi eveniat per continuam eamque reciprocâ musculorum abdominalium & diaphragmatis compressionem.

§. XVI.

Alimenta homini ex duplici *Regno* concessa sunt, *Vegetabili* nimirum & *Animali*. *Fossile* enim particulis nimis rigidis, nec per vitæ vires superabilibus, adeoque non alimentariis, id est nutritivis, sed condientium potius loco inservientibus constat; nisi subtiliter ratiocinando Animale prius ex *Vegetabili*, hoc demum ex *Fossili* nutriri dicere velimus. Quæ ex *Vegetabili* desumuntur sunt *Acescentia* (paucis tantum exceptis, quæ *Antiscorbutica* *alcalescentia* (z) vocantur, ut sunt omnes *Nasturtiorum* & *Raphanorum* species, *Allia*, *Sinapi* &c.). Horum, docente *Chemiâ*, ea est *indoles*, ut rite prius præparata & in idoneo reposita calore, concesso interim libero aëris accessu, intra breve temporis spatium incipiant fermentare, hoc est sensim turgere, rarefcere, in tumorem attolli, bullas emittere, attenuari, saporem & odorem acidum exhibere, quod semper, etiam in dulcissimis, fermentationis est effectus. Quæ vero ex *Animali* *Regno*

(z) Boerh. Lib. de Mat. Med. Sect. 76. p. 46.

Regno defumuntur sunt *Alcalescentia*. (excipio Lac herbaceum ex acescentibus vegetabilibus paratum, utpote cui nondum penitus ille animalitatis character est impressus, uti & salis alcalini fixi exinde productio insuper docet). Horum ea est natura, ut in calore nostri corporis, imo æstivo, id est longe minori, ut docent Thermometra, reposita (offibus forte exceptis) brevi incipiant rarefcere, spumescere, aërem elasticum emittere, putrescere, dum salia redduntur alcalina volatilia caustica, olea vero rancida & fætidiſſima; hæc enim pari semper passu ambulant. Similem jam fermentationem vel putrefactionem inchoari debere in ventriculo & a dictæ naturæ ingestis inseparabiles esse, docent omnia, ad excitandas hæc actiones, à minicula hic quam aptissima, uti est 1°. calor 2°. aëris liber accessus, maxime si his 3°. salivam addas, quæ fermentabilibus vel putrescibilibus admista citius longe in iis fermentationem vel putrefactionem excitat: imo in debilioribus ventriculis re vera fieri harum actionum apparentia haud raro docent *φαιένμοια* & effectus; quoties enim non debiles illi ac languidi homines & chlorosi præsertim laborantes Virgines ab acescentium usu, aliquot post pastum horas, de tensivo in epigastricâ regione conquerruntur dolore & tumore, a generatâ tantum & calore sese expandente materie elasticâ; quoties non fiunt præ aciditate dentibus stuporem inducentes *ὀξυπερυσία* Hippocrati vulgo dictæ; quanti sæpe circa nervosissimum Ventriculi os superius dolores, dum, deraſo prius blandissimo obliniente muco,

ab acri illo ita stimulatur, ut haud raro, dum mobilissimum simul in his hominibus est nervorum σπασμὸς, spasmodice & convulsive sese contrahat, sicque retentus aër magis magisque suo sese elatere expandat, unde, accedente simul muscoli dorsalis bina orificia ambientis & constringentis contractione, in omni Ventriculus dimensione distenditur, idque sæpe tam immaniter, ut in animalibus nimium saginatis, porcis v. gr., ejus fundum, quippe debilissimum, crepuisse sæpius edocuerit experientia: hinc dolor & tumor augetur, & a sursum simul truso diaphragmate, liberamque sic pulmonum, pro trajiciundo sanguine aëreque admittendo, explicationem impediante, illi genarum rubores, illa δύσπνοια, illæque anxietates oriuntur, non desinentes, nisi cum, soluto spasmō explosæque materie elasticæ, omnis illa tollatur distensio. Ab alcalescentium vero & rancescentium assumptione putridæ illæ, nidorosæ, tetramque spirantes mephitin, ac amarissimæ fiunt eructationes. Languidus scilicet ac iners Ventriculus sanas hinc ingestis causas mox memorandas non applicat, sed simplici tantum fovet calore, unde eadem in illis ac in vase chemico repositis accidit mutatio. Ex utroque vero *Regno* quædam sunt, quæ, si iterum causæ προγυμνῆαι in corpore adsunt, in gluten abeunt, pro suâ tamen naturâ vel acescens vel alcalescens. Tale fit ex farinosis crudis, austeris immaturis, hinc toties in pauperculis eorumque infantibus oritur: vel ubi extremæ animalium partes in jus consummatum id est gelatinam

excoctæ assumuntur, quod in Principum aulis familiare est, nec nisi fortissimis exercitiis, cursu, venatu, equitatione, aliisque, interposito simul potu convenienti tenuissimo, vinci potest. Facile autem, si quid video, apparet, infirmo non tantum niti talo, sed illibatam haud diu perstituram sanitatem, si suam sic ingesta sequi naturam pergerent, neque per vitæ vires in nostram demum indolem mutarentur. Dum enim utraque & fermentationis & putrefactionis actio pro generaliori effectu habeat acrimoniam, pro specialiori vero acidum vel alcali volatile, (fixum enim, unico forte casu in residuo ex Tartari destillatione (a) excepto, vivi tantum ignis filius est) non blandus quoque, qui requiritur, sed acer esset Chylus, adeoque non nutritioni, utpote omnem omnino vi plasticâ destitutam excludenti acrimoniam, sed destructioni potius inserviret; quot enim ac quanta inde ad corpus damna non redundarent, ab *acido* scilicet convulsiones, dolores, obstructions &c. (b), ab *alcali* vero febres, inflammationes &c. (c), a *glutinoso* iterum alia (d). Verbo, omne fere & Chronicorum & Acutorum morborum genus. Illa ergo explicanda veniunt adminicula, quibus summus naturæ Artifex nostram ita instruxit machinam, ut ab eorum applicatione dictæ actiones, pro parte quidem inchoatæ,

D 3

tæ,

- (a) Boerh. Elem. Chem. Tom. 2. proc. LV.
- (b) Boerh. de Cogn. & Cur. morbis §. 63. 64.
- (c) Idem ibid. §. 85. 86.
- (d) Id. ibid. §. 71. 72.

tæ, effectibus autem nocituræ, pergere prohibeantur.

§. XVII.

Videndum itaque sequitur, quid faciat, ut vas copiosos tam inquilinos, id est ex propriâ substantiâ, quam aliunde allatos, ingestis jugiter affundens humores. Ventriculo non unus, sed quatuor iique diversis locis arteriarum trunci inferuntur, (a superiore parte Epigastrica, ita dicta, quia per superiorem potissimum ventriculi regionem diffeminatur (e), ab inferiore vero & lateribus tres insuper aliæ, Gastricæ dictæ) ex illo Aortæ descendens ramo, quem paulo supra Mesentericam ad transversæ circiter digiti distantiam emittit, oriundi, qui vocatur Cæliaca. Quo quidem singulari artificio cauta & mire sibi ubivis prospiciens Natura effecit, ne a variâ repleti Ventriculi distensione, illo forte, si tantum unicus & major fuisset, compresso arteriæ trunco, liquoris gastrici, primarii coctionis instrumenti, impediretur secretio & sic Ventriculi perturbaretur actio: quæ, si jam forte contingat, compressio absque damno fieri potest, dum per alios adhuc liberos sufficiens subministretur copia, præsertim cum ἀνατομώσους pulchre inter se communicant. Per has arterias ad immensam subtilitatem singulari apparatu in omni Ventriculi puncto per ejus membranam ner-

(e) Lower. Anat. Cordis cap. 5.

nerveovasculariam, ut docet impletio, divisas, innumerisque tandem & abscissis quasi finibus in interiore, ad instar holoserici villosâ, tunicâ patulas, similibusque iterum venis, per quas, ut in ore vidimus, subita satis fieri queat resectio, respondentes, secernitur tenuissimus, pellucidus, saponaceus, salivæ quam maxime analogus humor, *Gastricus* dictus, nullis unquam notis deprehensus vel acidus vel alcalinus, ne quidem in voracissimis & ex raptu aliorum viventibus, Leone puta, Aquilâ, Falcone, Accipitre, similibusque id genus *σαρχοφάγους* animalibus, uti ex captis peregregios Viros *Malpighium*, *Borellum*, *Rhedum*, aliquo licet acidi inveniendi præjudicio jam præoccupatos, in Aulâ Hetruscâ experimentis constitit; sed nunc leniter falsus ammoniacali similis, vel fere insipidus (f), vel aliquando subdulcis, nunc vero in diuturniore inediâ acrior & piperati quasi quid habens. An ergo coctio fit per acidum? Num sine eo deficit? An acidum vitale Ventriculo nativum datur? Num juxta *Helmontium* a Liene ipsi per vasa brevia suppeditatur? Præter hunc laticem tenuiorem excernitur & alius quidam lentior longe ac spissior, æque ac in faucibus & œsophago vidimus, *Mucus* scilicet, qui quidem humor, dum per subtilissimas arteriolas in folliculos glandulosos desinentes secernitur, est tenuissimus, morâ vero, dissipatis ac resorbtis per venas partibus subtilioribus, illum demum lentorem

(f) Bohn. Circ. Anat. Physiol. Progymn. x.

rem acquirit. Hoc muco ab omni ex acrioribus ingestis imminenti injuriâ arcetur ac tuto defenditur sensilissima ob papillas nerveas interior tunica ; in intestinis tamen ob alias concurrentes causas est copiosior, omnium maxime in crassis, ibi enim glandulæ longe sunt numerosiores (g). Hinc petenda ratio, quare, deraſo per acerrimam quandoque diarrhoeæ vel dysenteriae materiam hocce muco, diræ illæ in intestinis rosiones ac tenesmi-
 oriantur, vel ubi per draſtica illa, nec ipsi Herculi propinanda, purgantia, quibus miseros indifferenter haud raro Medicastri aggrediuntur, benefico hocce Naturæ sublato munimento, falso expulſæ materiæ morbificæ nomine imponente, horrendi ad quodcunque fere ingestum dolores & καρδιαγμοὶ excitentur, non pacandi, nisi per blanda oleosa, gelatinosa & mucilaginosâ, id est talia, quæ blandissimi, nec ullo merito expulsi, hospitis vices impleant. Innumerabilis præterea, respectu aliarum mole longe majorum partium, ramorum nervosorum copia ex intercostalis & præcipue octavi paris trunco, quod & vagum dicitur, post varios in itinere ramos vicinis partibus impertitos, ut Laryngi, Pharyngi, Pulmonibus, Cordi, per totam Ventriculi substantiam, maxime circa os superius (h), quod & καρδιά audit & in quo suum Archæum posuit *Helmontius*, disseminatur; ex quorum ingenti numero, neque ad sensum solum

(g) Peyer. de gland. Intest. p. 20.

(h) Heist. Comp. Anat. p. 209.

lum vel motum, ut videtur, requisito probabile valde redditur, maxime quum nullus a Ventriculo recurat, nullusque unquam in cæcum tubulum terminari hâctenus demonstratus sit, tenuissimos fines subtilissimum quoque, quod vehunt, liquidum tenuis auræ instar in cavum Ventriculi effundere (i), ut reliquo ibi latici, ob egregios præstandos usus, intime permisceatur. Dictis his Ventriculo inquinis humoribus aliunde insuper accedunt saliva, mucus oris, liquor oesophageus, aër denique, quem continuo iis inviscatum deglutimus, ac per ventriculi motum intimius cum ingestis subigimus. Cujus quidem salivæ insignis adeo est copia, ut intra duodecim horas ad integræ libræ pondus posse colligi per *Nuckii* (k) experimenta constiterit, variante tamen pro variis circumstantiis hac secretionem; ejusque præterea tanta est necessitas, ut male omnino mulctentur, qui continuâ sputatione eam rejiciunt, inductâ scilicet δυσπεψία & ἀποψία, dum uno ex optimis concoctionis instrumentis Natura orbatur, quod toties suo damno experiuntur, qui notissimam hodie herbam Nicotianam fumare, vel & manducare, adeo depereunt: & in perfectam denique ἀνορεξίαν incidunt, dum una ex præstantissimis famis causis perit, quæ ratio, quare primum inventa hæc herba pro famis ἀντιδότῳ fuerit habita, eoque scopo apud *Brazilienses* ejus fumum familiarem

E

fuisse

(i) Brunn. de Paner. cap. 5. 6.

(k) Sialogr. p. 29.

fuisse testentur Auctores (1). Quantas interim noxas a nimia ejus excretionem perferat corpus apud varios (m) cernere licet, at omnium instar sint duo maxime memorabilia exempla a *Ruy-schio* (n) descripta. An ergo saliva excrementitia? Nonne secretionis modus & locus pro contrario militat? Nonne denique morbi ex nimia ejus excretionem orti, per ejus retentionem curati, rem extra omne dubium ponunt? His omnibus denique assumtus potus accenseri potest. Ex dictorum ergo consideratione haud difficulter constabit, quoniam ex tanta subtilissimorum, spiritibus divitum, inquilinorum humorum ad ingesta affusione exfurgant effectus, scilicet non tantum maceratio ac dilutio, sed & major quoque assimilatio, id est vitalis characteris impressio & promptior meatibus nostris permeandis aptitudo: & miram in hac re naturam miramur sollicitudinem, ut, priusquam advenam Chylum in sanguinis massam suamque gremium recipiat, uberrimo prius inquilino latice ubique perfundat ac diluat; si enim ab ore usque ad subclaviam venam assimilati liquidi affusi quantitas comparari posset cum eo, quod ex crudis ingestis recenter accedit, ratio forte sese ut $\frac{49}{50}$ ad $\frac{1}{50}$ haberet. Si jam homo fluidiora tantum, carni v. gr. jura, similiaque assumeret, neque so-

(1) Lery Histoire de l'Amerique p. 219.

(m) Vid. Bagliv. & Schurigium.

(n) Adv. Dec. II. p. 15.

solidioribus vesceretur, dicta humorum affusio & calor præstandæ coctioni sufficerent, aliisque ad agendum conditionibus instructum Ventriculum non foret necesse. Robustos tamen ac famelicos offas semimanfas & solidas quasi deglutire videmus, ac nihilominus felicem satis in his fieri digestionem, cui cum binæ actiones pares non videantur, aliud quid accedit nunc explicandum.

§. XVIII.

Tertia ergo Ventriculi in ingesta sequitur Actio, *Muscularis* scilicet. Notum est ex Anatomicis, saccum hunc membranaceum quinque constare tunicis; primâ ingesta proxime ambiente omnium tenerriam *Villosâ*, quam pro concretâ quâdam materie habentes Veteres *crustam* dixere; secundâ *Nerveâ*, vel quod melius *Nerveo-Vasculosâ*, dum per eam densâ veluti comâ vasa arteriosa, venosa, nervosa ad immensam distribuuntur subtilitatem; tertiâ *Musculari*; quartâ *Cellulosâ* ab inventore Cel. *Ruyschio* etiam *Ruyschianâ* dictâ, simili ei, quæ in toto corpore observatur, blandissimo suo oleo fibris muscularibus flexilitatem & mobilitatem fervante; quintâ denique omnes has ambiente, ac quodammodo firmante, omnibusque abdominalibus visceribus (o), queis *ὑπερίβεται*, communi, hinc *Peritonæali* dictâ. In hac musculari, quam pro scopo nostro tantum hic conside-

E 2

ra-

(o) Douglas de Peritonæo.

ramus, varius fibrarum observatur decursus; aliæ enim sunt Orbiculares vel Spirales, a superiori ore procedentes per utrumque Ventriculi planum decurrunt, illudque circumambiunt, usque dum ad πύλωρον terminantur, a quarum successivâ contractione ille efficitur môtus, quem *Peristalticum* vel *Vermicularem* vocant, a sinistrâ ejus parte (p) dextram versus tendentem & per totum dein intestinalem tubum ulterius fortiusque continuatum; aliæ vero sunt Longitudinales, quæ a sinistrâ Ventriculi regione dextram versus descendentes ejus fundum oblique petunt: unde colligitur, earum actionem esse, Ventriculi fundum ad ejus deorsum & os sinistrum oblique contrahere, ejusque sic minuere longitudinem; tertius denique fibrarum ordo ex Rectis constat, validum illum lacertum musculosum constituentibus, qui maxime per Ventriculi dorsum inter bina ejus ora decurrit, eaque amplectitur, ac dorsalis muscoli nomine insignitur, cujus actio est ora Ventriculi, ubi vacuus est, ad se adducere, cum vero cibus maxime est distentus, ea valde arctat & claudit, eo quidem magis, quo plus impletur. Ubi ergo simul agit hæc musculosa tunica contenta Ventriculum expandentia, dictoque prius modo adeo macerata ac diluta, premit, cui pressioni dum continuus simul ac reciprocatus adest motus, Vermicularis scilicet, puncta contactuum omni momento variantur, hinc omnia miscentur inter se, ciborum partes soli-

(p) Wepfer. Hist. Cicut. Aquat. p. 112.

solidiores magis atteruntur & dividuntur, unde constat, veram & hic fieri emulsionis speciem, dum interim liquidissima πύλωρον versus propulsa, ob minorem ibi natam resistantiam, auctam vero ad os sinistrum, ut repleti Ventriculi mire mutatus situs docet, successive per eum exprimantur, crassiora vero inter assurgentes magis valvulosas Ventriculi rugas hærentia, necdum satis adhuc divisa & emuncta ope contrahentium sese fibrarum longitudinalium ad sinistram denuo regionem revolvantur, eâdemque operâ continuatâ magis exfucca reddantur. Neque enim putes a tenuibus his fibris tam immanem hic fieri attritum, quantum sibi persuasum habuere inter Veteres *Erasistratus*, inter Recentiores *Borellus* (q), *Pitcarnius* (r) alique Mechanici (s), ita ut eo omnem omnino fieri coctionem contenderint, quod plane est ἀδύνατον. Licet enim, unde error videtur natus, in gallinaceo, similique pennato genere singularis Ventriculi fabrica, (t) instar binorum lapidum molarium, calloso intus quasi corneo scuto vestitorum, tale quid fieri primâ specie innuat, his tamen animalibus manducatione destitutis, ac durissima interim femina assumentibus Natura dedit ingluviem, in quâ prius ab affluente copioso humore salivali probe macerantur. In homine vero tenerior Ventriculi structura

E 3

cum

(q) de Motu Animal. part. II. prop. cxciv. pag. 381.

(r) de modo, quo cibi in Ventric.

(s) Hecquet de la trituration.

(t) Peyerus Anat. Ventr. Gallin.

cum in genere, tum in specie tenerrima ejus, quam non inepte Lanuginem vocat *Glissonius*, tot nerveis papillis referta ac unicâ tali coctione facile delenda interior tunica, tanto attritui refragatur, nec per experientiam, si eam tantum consulamus, aliud edocemur; hac enim constat, tenuissimas etiam a mortalium robustissimo assumtas animalium pelles æque ut antea cohærentes, licet emunctas, alvinis in fecibus (medice loquor) reddi, quod idem tenuiores adhuc vindemiarum tempore Uvarum (u) vel & Ribesiorum pelliculæ confirmant. Neque talem pro explicandâ coctione attritum ut fingamus est necesse; licet enim per mechanicam talem triturationem duriora quævis optime comminuantur, quia tamen non circa solidorum in Alcohol tenuissimum pulverisationem hæc in Ventriculo versetur tritura, ast circa materiam mollem, flexilem, in liquidum tenuissimum, quod subtilissima vasorum oscula subire valet, patet, hanc sine solvente simul menstruo fieri haudquaquam posse. Hanc triturationem, namque inde miscelam & attenuationem adjuvant quoque arteriæ majores minores per totam Ventriculi substantiam decurrentes & per unam horam ad ter mille & sexcentas, in quibusdam ad quater mille vices, diastolen patientes. Fateor, quod harum vis impingens non valde magnum effectum edere videatur, maxime, quum partes circumpositæ non elasticæ, sed molles sint, in quibus,

(u) Glisson. de Ventr. & Intest. p. 313.

bus, docentibus Phycis, vis absorbetur, tamen, si aliquam admittamus, sufficiens satis erit, si rationem habeamus numeri vasorum & pulsum, computando simul horas, per quas ingesta hic morantur, ac dein conferamus cum materiâ molli, in quam agit, si denique consideremus, causam utcunque parvam, sæpius tamen repetitam, idem præstare, quod eadem illa, toties se ipsa major, sed simul & semel applicata præstitisset, sic enim

peragit tranquilla potestas,

Quod violenta nequit.

Ultimo huc facit a parte posteriori Aorta, omnem validæ suæ, quam ob Cordis viciniam patitur, distoles effectum, quum dura, quibus accumbit, vertebrarum corpora cedere nesciant, Ventriculo communicans.

§. XIX.

His omnibus hætenus explicatis quarto accedit *Calor*, tam qui ventriculo proprius & si ita velis, innatus ab innumeris per ejus substantiam decurrentibus arteriis, quam quem a partibus vicinis eum ambientibus & foventibus acquirit. A superiori enim parte Cordi proxime supponitur, tenui tantum cum pericardio & peritonæo interveniente diaphragmate; a dextro latere maximum mole viscus Hepar ei adjacet, totumque fere tegens; a sinistro Lien; ab inferiori parte Pancreati, ven-
tri-

triculi *Pulvinari* hinc dicto, molliter incumbit; a posteriori denique parte fulmineo trajectu vitale vehens flumen Aorta ponitur, quæ omnes partes copioso sanguine abundant, adeoque in caloris, ad optimam digestionem maxime requisiti, quasi centro ponitur; hinc summus jam dixit *Hippocrates* (v) αἱ κοιλίαι χειμῶν καὶ ἡρῶν θερμόταται φύσει. ideoque jubet ἐν ταύτησιν ἐν τῇσιν ὥρεσι καὶ τὰ προσάρματα πλείω δοτέον. addens rationem καὶ γὰρ τὸ ἔμφυτον θερμὸν πλείον ἔχουσι. τροφῆς ἐν πλείον καὶ δεόνται. Estque ille calor, ut *Fabrenheyiana* exhibent thermometra, inter gradum 90 & 100, adeoque aptissimus, ut testantur Chemicis, ad fermentationes, putrefactiones, macerationes, extractiones quasvis promovendas, eumque ad parandum Ovum suum Philosophicum adhibent, nec menstrua nisi hoc calore melius actiosa fiunt. Estque incubantis gallinæ calori simillimus, cujus ope ita attenuatur albumen, ut in tenerrima ac immensæ subtilitatis primorum tenelli pulli staminum vascula penetrare queat, vel in ovo, femine maris non imprægnato, adeo dissolvitur, ut intra trium septimanarum spatium, per testam, ut docent experimenta, totum exhalet; si autem tale ovum in aquam ebullientem, id est ad ducentos & duodecim gradus calentem, immergatur, mox coagulatur, concrescens in unam scissilem massam opacam difficillimæ concoctionis, nec nisi solâ forte putredine resolvendam, evidenti indicio, certum tantum & definitum requiri caloris gradum:

(v) Sect. 1. Aph. 15.

dum : cujus in dissolutione effectus quum tam insignis sit, liquet, non in totum male sensisse Veteres, *Hippocratem* puta & post eum magis hanc sententiam adornantem *Galenum* (w) aliosque, cibos per calorem a Corde, Hepate, Liene, tanquam focis, affatim subministratum, in Ventriculo concoqui, quem ideo lebeti assimilarunt, unde quoque *πέψις* & coctionis denominationes natæ videntur. Quid enim calor humidus præstet, præcipue loco clauso, machina docet *Papiniana* (x), ubi ossa brevi in gelatinam excoquantur, ut & spagyrica C. C. præparatio. In eo autem errarunt, ut hoc solo omnem fieri coctionem existimârint; tum enim majorem minoremve caloris gradum felicior vel minus felix sequeretur coctio: hinc in acute febricitantibus omnium fieret optima, cum tamen cibos ibi Naturam fastidire videamus & automatico è contra motu appetere acida & aquosa, id est talia, quæ nimium æstum refrænare, ac nascendæ inde putredini resistere valent. Quid præterea solus præstaret calor sine liquido simul digerente? Nonne extra corpus eadem tunc, quæ tamen non obtinetur, in liquorem chylo similem fieret mutatio? Num pisces, sanguine aquâ haud multum calidiore gaudentes, minus feliciter digerunt? Calor ergo coctionem tantum adjuvat, uti optime excussit hanc rem *Helmontius Pater* in *Tractatu*, cui titulus, *Calor efficaciter non digerit, sed excitative.*

F

§. XX.

(w) Lib. iv de Ufu part. cap viii. de Facult. nat. cap viii.

(x) Papin l'Art d'amollir les os.

§. XX.

Ultimo denique loco breviter expendamus, quænam ex continuâ Musculorum Abdominalium (y) & Diaphragmatis (z) pressione ad Ventriculum redundet utilitas. Horum vis comprimens quam immanis sit durissimarum alvi fecum, urinae, foetus in sexu sequiori docet exclusio, imo quantum non adhibet vim, qui corpus suum ex situ horizontali in perpendicularem erigit; tum enim molle alias abdomen, si exploretur, evadit rigidissimum, musculique in duros quasi asseres mutati videntur. Quum autem horum musculorum, ut & diaphragmatis actio inter se sit reciprocatâ, reciproce quoque, nunc sursum nunc deorsum agitur, premitur Ventriculus, nec per momentum quiescit, cum vix tanto spatio respiratione carere queat homo: & dum omni actioni æqualis est reactio, hinc contenta Ventriculum distendentia eum causis illis prementibus magis obijciunt, unde ciborum partes solidiores plus atteruntur, lævigantur, subtiliora sensim a crassioribus separantur, omne, quod in illis datur solubile, excutitur, ac cum humoribus commiscetur, constituens liquorem cinereum chylosum, nondum tamen ita album, ac in intestinis a majori ibi attenuatione observatur. Hujus quædam portio, per motum vermicularem πύλωρον versus determinata, jugiter & successive in duodenum expel-

(y) Albin. Hist. Muscul. Lib. III. cap. LXXV. usque ad LXXX.
 (z) Idem ibid. cap. LXXXI.

pellitur; quæ vero tenaciora sunt, ad sinistram de-
 nuo regionem revoluta, easdem patiuntur actio-
 nes, donec exsucca valde reddita vi respirationis
 per πύλωρον exprimantur, eo determinante Ventri-
 culi, ut videtur, actione musculari. Vera ergo,
 ut jam supra innuimus, in Ventriculo fit Emulsio-
 nis species, dum macerando, solvendo, fovendo,
 conterendo omne oleosum nutritivum & quicquid
 hac ratione est solubile, emulgetur & successive ex-
 pellitur, ac novâ iterum liquorum affusione & re-
 petito attritu ita demum assumpta emunguntur, ut
 ultimo non nisi feces exsuccæ valde restent.

In Intestinis jam eadem continuantur causæ haec-
 nus explicatæ, imo complures & fortiores, quæ ulte-
 riori chyli elaborationi & elaborati perfectioni inter-
 viunt, id quod jam exponendum sequeretur.

Sed B. L. hic vela contraho, quum navem tan-
 tum huc dirigendi fuerit scopus, an, sine facto ulli-
 bi naufragio, in tutum portum deduximus, Vestrûm
 erit dijudicare.

F I N I S.

AD.

A D N E X A.

I.

*Sanguis, Saliva, Liquor gastricus, Succus entericus,
Lympha pancreatica, Bilis, nec acidi, nec alcalini.*

II.

*Ficta hinc pancreatica Lympha & Pituita cum Bile
effervescentia.*

III.

*Nec Sudor, nec Purgatio, nec Inedia Plethoræ cu-
randæ pares sunt.*

IV.

*Nutrimur, non ab Elementis, sed a corporibus ele-
mentatis.*

V.

Hipp. de Morb. Vulg. Lib. vi. Sect. v. i.

Νόσων φύσις ἰητροί.

VI.

Hipp. Sect. v. Aph. lvi.

*Ἐπὶ ῥόῳ γυναικείῳ σπασμὸς καὶ λειποθυμία ἢ ἐπιγίνεται
κακόν.*